

Sindikat Metalaca Federacije Bosne i Hercegovine
Sindikat Nova Željezara Zenica

Kralja Tvrtka I 17, 72000 Zenica; tel/fax 00387(0)32 401 – 975; tel 467 – 100; e-mail sindikatarcmitt@bih.net.ba sindikat@nova-zeljezara.ba

Zenica; 23.04. 2026. god.

Predmet: Očuvanje proizvodnje i radnih mjesta!

Poštovani direktore,

Na jučer održanom sastanku Ministra energije, rudarstva i industrije Federacije BiH Vedrana Lakića, direktora Energoinvesta Mirze Ustamujića i savjetnice premijera Federacije BiH Draženke Subašić sa predstavnicima Sindikata Nove Željezare i Sindikata metalaca ZDK i FBiH, iskazan je čvrst stav da Vlada Federacije Bosne i Hercegovine, Federalno ministarstvo energije, rudarstva i industrije i Energoinvest imaju viziju, zajednički interes i potpunu opredijeljenost da osiguraju budućnost Nove Željezare Zenica i zaštite prava radnika.

Ministar Vedran Lakić je nedvosmisleno potvrdio da je cilj očuvati proizvodnju, radna mjesta i vratiti perspektivu kompaniji koja ima izuzetan značaj za Zenicu i Federaciju BiH, kao i državu u cjelini. Vladi Federacije Bosne i Hercegovine i Sindikatu stečaj i otpuštanje radnika nisu opcija.

Mi ne očekujemo da država vodi ovu firmu, ali ako postoji minimum nade da se proizvodnja ponovo pokrene, a sad postoji, tu šansu moramo iskoristiti.

Na našem sastanku održanom 21.04.2026. godine s Vama i Goradanom Pavlovićem, jasno ste kazali da ponovno pokretanje Visoke peći za vas više nije opcija, bez obzira na eventualne mjere zaštite domaće proizvodnje, za šta smo se svim srcem borili u proteklim mjesecima radi očuvanja radnih mjesta. Takav Vaš stav je za nas apsolutno neprihvatljiv i to smo vrlo jasno kazali na pomenutom sastanku.

Nakon toga ste iskazali spremnost povući se ukoliko Vlada ponudi rješenje za preuzimanje u cilju očuvanja proizvodnje i radnih mjesta.

Stoga Vas pozivamo da ispunite to obećanje, da ne ugasite trajno ovim radnicima radna mjesta i budućnost i da ne postavljate nerealne i nemoguće uslove u predstojećim pregovorima, kako bi se ova tranzicija što brže provela. Više ste puta isticali da ste patriota, evo prilike da to pokažete na djelu.

Ujedno Vas pozivamo, ali i upozoravamo da učinite sve što je u Vašoj moći s ciljem osiguranja i zaštite imovine i svih postrojenja, kako bi proizvodnja ponovo mogla biti pokrenuta u najkraćem mogućem roku.

Budite sigurni da ćemo i mi, s naše strane učiniti isto.

S poštovanjem,

Predsjednik Sindikata NZZ

Rašid Fetic

